

Visoki predstavnik nametnuo Odluku o integraciji Općine Zepce

Visoki predstavnik Wolfgang Petritsch je danas nametnuo Odluku o integraciji Općine Zepce, kojom se prekida visegodišnje bezakonje i postojanje nezakonitih paralelnih struktura, koje su ostale kao naslijeđe bosnjacko-hrvatskog sukoba u tom području. Odluka Visokog predstavnika je donesena nakon iscrpnih konsultacija sa međunarodnim ekspertima i lokalnim dužnosnicima i njome će se osigurati izbalansiran pristup legitimnim političkim, društvenim, ekonomskim i sigurnosnim interesima svih građana.

Odluka stupa na snagu odmah, a zasniva se na ovlastima Visokog predstavnika utvrđenim u Aneksu 10. Daytonskog mirovnog sporazuma i potvrđenim u Bonskoj deklaraciji Vijeća za implementaciju mira. Visoki predstavnik je donio ovakvu Odluku tek nakon višestrukih neuspješnih pokušaja izabranih političara da sami pronadju rješenje za jedinstvenu situaciju u Općini.

Odlukom se prevazilazi mrtva tačka do koje se doslo u pogledu tri osnovna pitanja:

- integrisu se dvije paralelne općinske administracije,
- ukidaju se institucija bivše "Hrvatske Republike Herceg-Bosne" i integrisu se u cjelokupnu općinu Zepce, odnosno u zakonske strukture Zenicko-dobojskog kantona,
- postize se kompromisno rješenje u vezi sa zahtjevima Hrvata koji žive na područjima koji se granice sa općinom Zepce da budu integrirani u općinu Zepce.

U Odluci se također poziva Federalno ministarstvo odbrane da smanji broj vojnika stacioniranih u općini Zepce, u okviru

smanjenja vojnih potencijala od 15% do kojeg treba doći do 31. decembra 2000. godine ili u okviru cjelokupnog regrupisanja snaga.

Prijelazni odbor kojeg imenuje Visoki predstavnik će preuzeti dužnosti općinskog vijeća, načelnika i donoša odluka u periodu od najmanje šest mjeseci od danas i imati zakonodavne i izvršne ovlasti u općini do održavanja narednih općinskih izbora u Zepču. Visoki predstavnik je imenovao Richarda Williamsa na funkciju supervizora koji će nadzirati provođenje Odluke.